

Les plus anciens documents linguistiques de la France  
Corpus : (chNCh)  
Responsable du corpus : NN  
Édition de la charte : ?

## chNCh015

Édition critique
------------------

**1277, 25 août.**

*Type de document:* charte: hommage lige

*Objet:* Hommage lige par Etienne de Gonsans, fils de Lambert, à Amédée [III] de Montfaucon-Montbéliard duquel il tient en fief à Scey ce que son père tenait de Richard de Scey, le four de Gonsans et tout autre four qu'il pourrait y avoir dans la ville. Amédée s'engage à ne pas prendre les hommes d'Etienne sous son pouvoir.

*Auteur:* Etienne de Gonsans.

*Disposant:* Etienne de Gonsans.

*Sceau:* sceaux d'Etienne de Gonsans et de Hugues de Gonsans, chanoine de Besançon.

*Bénéficiaire:* Amédée [III] de Montfaucon-Montbéliard.

*Support:* Parchemin scellé de deux sceaux sur double queue. Sur l'attache du 2<sup>e</sup> sceau on lit: « Si-l-abés estoit hons ».

*Lieu de conservation:* AEN, T3 n° 25.

*Verso:* du fié Estevenin de Gonsens (XIV<sup>e</sup> siècle).

## Transcription de la charte

**1** Je, Estenes de Goncens, filz çaienarriers mon signor Lamber de Goncens, **2** \2 fais a savoir a touz ceus qui verront et orront ces presentes latres **3** \3 que je suis demorez hons liges devant totes genz a noble baron Amey \4 de Monbeliart, signor de Monfacon, mon signour, de quanque on \5 troverai ne porrai trover que je tien du fyé de Ceys (du) <sup>[1]</sup> en-quelque \6 chose *que* ce soit, duquel fyé mes si Lambers, meis peres, estoit hons liges \7 mon si Rechart, signor çaienarriers de Ceys. **4** Et est a savoir *que* je ai \8 ancour repris ligemant devant toz homes du dit Amey, mon signour, \9 tel roison come je ai, puis avoir et doi ou for de Goncens et porrai \10 avoir et davrai ou dit four ou en atres fours qui saroient fait \11 dois or en avant en la dite vile ou je auroie roison. **5** Et est a savoir \12 *que ce que* l-on troverai *que* je tenrai du dit fyé de Ceys et la dite roisons \13 du four *que* je ai repris du dit *Amey*, mon signour, est tout une ligetez. **6** \14 Et m-ai promis li diz *Ameys*, mes sires, *que* il ne recevrai dois or en avant sus \15 lui mes homes *ques que* je les aie dois or en avant ne porrai avoir ne \16 davrai; et ce il m-ai promis a la bone foi por lui et por ses hoirs. **7** En \17 tesmonage de la quel chose je ai mis mon sael en ces presentes latres \18 ensamble lo sael sire Hugue de Goncens, mon frere, chenoine de Besançon, \19 lo quel je ai requis est je mis ensamble lo mien por plus grant *certeneté*. **8** \20 *Et* ces latres furent faites et donees landemain de la Saint Barthelomey \21 l-apotre en l-an de Nostre Signour mil .CC.LXXVII. anz.

---

### Notes de transcription

<sup>[1]</sup> du *biffé*.

